



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Constitutiones Variorum Pontificum in praecedentibus Editionibus  
desideratas, summoque studio hinc inde conquisitas complectens

**Luxemburgi, 1741**

16. Romanus Pontifex, &c. Abbatiam Affligemiensem Religiosorum Ordinis S. Benedicti in Brabantia, unit in perpetuum novo Archiepiscopatu Mechlinensi à secreto, anno 1561.
- 

[urn:nbn:de:hbz:466:1-74514](#)

Apostolatus apicem, quam alias quomodolibet, ac cum quibusvis, etiam derogatoriarum derogatoriis, aliisque efficacioribus, efficacissimis, & insolitis clausulis, irritantibusque, & aliis decretis, quocumque tempore sicut, tanquam effectum non sortitas, nisi de presentibus, & eorum toto tenore, & data, specialis, specifica, & expressa mentio fiat, ac de consensu dictorum Decani, & Magistrorum minime includi, sed illis non obstantibus in suis vigore, robore, & efficacia persistere, & quoties illae emanabunt, toties in pristinum statum restitutas, ac de novo, & sub quacumque data per dictos Decanum, & Magistros eligenda concessas.

Sicque incommutabilis voluntatis, & intentionis nostra esse, fuisse, & fore, easque nullo unquam tempore de subreptionis, vel obreptionis, aut nullitatis vito, seu intentionis nostrae, vel quopiam alio defectu notari, aut in jus, vel controversiam quacumque ratione, vel causa, etiam rationabiliter vocari, causamque, vel causas, propter quam concessae sunt, coram loci Ordinario, etiam tanquam a Sede Apostolica delegato, minime verificari.

Hæc propterea, seu ex eo quod interesse sibi putantes vocati non fuerint, persubreptionem obtentas praesumi, viribusque propterea carere: siue per quocumque Judges ordinarios & Delegatos, etiam Causarum Palatii Apostolici Auditores, & Sanctæ Romanae Ecclesiæ Cardinales in quavis causa & instantia, sublata eis, & eorum cuilibet quavis alteri judicandi, & interpretandi facultate, & auctoritate, judicari & definiri debere, irritum quoque & inane, si fecus super his à quoquam, quavis auctoritate, scienter vel ignoranter, contigerit attentari.

Quocirca Venerabilibus Fratribus nostris Murarense, Amerinensi, ac Feltrensi Episcopis per Apostolica Scripta mandamus, quatenus ipsi, vel duo, aut unus eorum, per se, vel alium, seu alios praesentes litteras, & in eis contenta quacumque, ubi & quando opus fuerit, ac quoties pro parte eorumdem Decani Magistrorum, & personarum, ac aliorum, quos eadem praesentes concernunt, & concernent, fuerint requisiiti, solemniter publicantes, eisdem in praemissis efficacis defensionis praesidio assistentes, faciant auctoritate nostra litteras, & in eis contenta hujusmodi firmiter observari.

Ac pensionem predictam Nicolao quoad vixerit, vel Procuratori praefato, juxta reservationis, constitutionis, & assignationis praedictarum continentiam, & tenorem integrè persolvit.

Non permittentes Decanum, Magistros, & Personas, ac alios prefatos super literis, & in eis contentis hujusmodi quomodolibet indebet molestatari.

Et nihilominus quoslibet ex Decano, Magistris & Personis praeditis, quos hujusmodi Excommunicationis sententiam eis incurrisse constiterit, & quoties pro parte ejusdem Nicolai fuerint requisiiti, tamdiu Dominicis, & aliis festivis diebus in Ecclesiis, dum major inibi populi multitudine ad Divina convenerit, excommunicatos publicè nuntrient, & faciant ab aliis nuntrari, ac ab omnibus archiis evitari, donec Nicolao, vel Procuratori praefato de pensione hujusmodi tunc debita fuerit integrè satisfactum, ipisque excommunicati ab excommunicationis sententiâ hujusmodi absolutionis beneficiis meruerint obtinere.

Contradictores auctoritate nostra, appellatione postposita, compescendo, non obstantibus priori voluntate nostra praedita, ac aliis praemissis, nec non Lateranensis Concilii novissime celebrati, uniones perpetuas, nisi in certis exceptis casibus, fieri prohibentis, aliisque Apostolicis, ac in Provincia libus, & Synodalibus Conciliis editis generalibus, vel specialibus constitutionibus, & ordinationibus, & aliis Cancelleriae Apostolice Regulis, etiam revocatoris, & revocatoriarum innovatoris, ac in favorem Ordinationem, & alias in contrarium quomodolibet editis, & edendis.

Nec non Monasterii, & Ordinis praeditorum juramento, Confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Litteris Apostolicis, illis, eorumque Abbatibus, Conventibus, Superioribus, Patribus, & Personis per quoscumque Romanos Pontifices Praedecessores nostros, ac Nos, & Sedem praeditam, etiam per viam generalis legis, ac statuti perpetui, nec non initi, ac stipulati contractus, seu quasi, & alias sub quibuscumque tenoribus & formis, ac cum quibusvis, etiam derogatoriarum derogatoriis, aliisque efficacioribus, efficacissimis, & insolitis clausulis, irritantibusque, & aliis decretis, etiam consideratione, intuitu, contemplatione, vel ad instantiam praemissorum, aut quorūcumque aliorum, seu motu, scientia, & potestatis plenitude similibus, nec non consistorialiter, ac aliis quomodocumque, & qualitercumque, & quotiescumque concessis, ac concedendis, confirmandis, & etiam iteratis vicibus innovandis.

Quibus omnibus, eti pro illorum sufficienti derogatione de illis, eorumque totis tenoribus specialis, specifica, individua, & expressa, non autem per clausulas generales idem importantes, mentio, seu quavis alia expressio habenda, aut aliqua alia exquisita forma ad hoc servanda foret, tenores hujusmodi praesentibus pro sufficienter expressis habentes, illis alias in suo labore permanentes, hac vice duntaxat specialiter, & expresse derogamus contraria quibuscumque.

Aut si aliqui super provisionibus sibi faciendi de Prioribus hujusmodi speciales, vel aliis Beneficiis Ecclesiasticis in illis partibus generales dictæ Sedis, vel Legatorum ejus litteras impetraverint, etiam per eas ad inhibitionem, reservationem, & decretum, vel alias quomodolibet sit processum.

Quas quidem litteras & processus habitos per easdem, & inde sequuta quacumque ad dictum Prioratum volumus non extendi, sed nullum per hoc eis quoad asequectionem Prioratum, vel Beneficiorum aliorum prejudicium generari.

Seu si Decano, Magistris, & personis praefatis, vel quibusvis aliis, communiter vel divisim, à dicta Sede indultum, quod ad praestationem, vel solutionem pensionis alicujus minime teneantur, & ad id compelli, aut quod interdicti, suspensi, vel excommunicari non possint per Litteras Apostolicas, non facientes plenam & expressam, ac de verbo ad verbum de induito hujusmodi mentionem, & quibuslibet aliis privilegiis, indulgentiis, & Litteris Apostolicis specialibus vel generalibus, quorumcumque tenorum existant, per quæ praesentibus non expressa, vel totaliter non infrafecta effectus earum impedire valeat quomodolibet, vel differat, & de quibus, quorumque totis tenoribus habenda sit in nostris litteris mentio specialis.

Nulli ergo omnino hominum liceat hanc paginam nostræ absolutionis, suppressionis, extinctionis, applicationis, appropriationis, reservationis, constitutionis, assignationis, decreti, voluntatis, statuti, inhibitionis, suspensionis, mandati & derogationis infringere, vel ei aucti temerario contraire.

Si quis autem hoc attentare presumperit, indagationem Omnipotens Dei, ac Beatorum Petri & Pauli ejus se noverit incursum.

Datum Romæ apud Sanctum Petrum, Anno Incarnationis Domini millefimo quingentesimo sexagesimo primo, octavo Idus Decembris, Pontificatus nostri anno secundo.

Subscriptum Cardinalis Glorierius.

Abbatiam Affligiemensem Religiosorum Ordinis S. Benedicti in Brabantia unit in perpetuum novo Archiepiscopatu Mechliniensis à se erecto, anno 1561.

PIUS

XI.  
Ex Op.  
Dipl. Mi-  
xxi Tom.  
II. p. 903.

## PIUS EPISCOPUS.

*Servus Servorum Dei, ad perpetuam rei memoriam.*

**R**omanus Pontifex, cui ex suscep*t* Officii debito, Ecclesiarum, & Monasteriorum omnium Cura imminet generalis, ipsarum Ecclesiarum, & præfertum Metropolitanarum, eisque præsidentium Personarum, quas in partem sollicitudinias Altissimus evocavit, necessitatibus, ne illas debita sustentationis ope destitutas in temporalibus, & spiritualibus plura pati incommoda contingat, per opportuna subventionis præsidia providerent occurrit, & de Monasteriis ejusdem interdum, etiam antequam videntur, disponit, prout locorum & temporum qualitate pensata, conspicit in Domino salubriter expedire.

Cum itaque, alias felicis recordationis Paulus Papa Quartus, Praedecessor noster, considerans eam partem inferioris Germaniae, quæ charissimo in Christo Filio nostro Philippo, Hispaniarum Regi Catholico, etiam tunc haereditario jure subiecta erat, paucos habere Episcopos, nullumque Metropolitanum, qui eam regerent, ut illius amplitudo, ac longe, latèque diffitorum castrorum & pagorum copia, animareunque multitudine, varium item idiomam, & vitæ institutum, assidueque hereticorum, à quibus illa undique ferè cincta, atque obessa erat, infidia expostrabat: His, & aliis gravibus causis eum impellentibus, volens perlitigant in paribus illis Fidei succurrere, pioque desiderio dicti Philippi Regis satisfacere, Mechliniam olim oppidum Cameracensis Diœcesis à sua Diœcesi & Provincia diviserit, & exemerit, illudque in Civitatem, ac Sancti Rumoldi illius Ecclesiam in Metropolitanam Ecclesiam pro uno Archiepiscopo, cum Mensa Archiepiscopali, & aliis Metropolitanæ Ecclesiae insignis exerit, & instituerit.

Ac dictæ Mensæ pro ejus dote annum redditum quinque millium Ducatorum auri de Camera ex certis decimis, & bonis, ac fructibus, redditibus, & proventibus Ecclesiasticis, per Nuntium suum postmodum ac eo illius mitendum specificandis, & repartiendis, ex nunc, prout ex ea die, & è contra, postquam specificati, & repartiti forent, etiam perpetuò applicaverit, & appropriaverit, per quadam sub plumbo, & deinde per alias in forma Brevis Litteras suas dotenam ipsam à certis Monasteriis, & Praeposituris dismembrari mandaverit, prout in singulis litteris prædictis pleniū continetur.

Nos cupientes Mensæ prædictæ de congrua dote providerere, piumque & laudabile institutum Praedecessoris hujusmodi prosequi, atque confovere, animadvententesque, quod per dismembrationes hujusmodi in veteratus cultus monasticus laderetur, per unionem verò alicuius ex ipsis Monasteriis eidem Mensæ, loco dismembrationum hujusmodi, si fieret, Archiepiscopus præfatus Monasterii sic uniti Curam seduliū gereret, & in illud devotionis, vel quietis causâ interdum secedere posset, Monasterium Sanctorum Petri & Pauli Affligentie, Ordinis Sancti Benedicti, olim Cameracensis, nunc verò Mechliniensis Diœcesis hujusmodi, cuius Abbas pro tempore existens, primus Prælatus in Ducatu Brabantia habetur.

Cum primum illud per cessum, vel deceßum dilecti Filii moderni illius Abbatis, etiam apud Sedem Apostolicam, aut alias quovis modo, & ex cuiuscumque persona vacare contigerit, vel etiam nunc, ut præfertur, vacet, & tanto tempore vacaverit, quod ejus provisio juxta Lateranensis statuta Concilii, aut alias Canonicas Sanctiones ad Sedem eandem legitime devoluta existat, & illa ex quavis causa ad Sedem eandem specialiter, & generaliter pertineat, ac super dicti Monasterii regimine & administratione inter aliquos lis, aut super illorum possessorio, vel quasi, molestia, cuius

statum præsentibus haberi volumus pro exprelio, pendaat indecisus,

Cum omnibus juribus, jurisdictionibus, & pertinentiis suis ex nunc, prout ex tunc, & è contra, Mensæ prædictæ, ita quod ex tunc deinceps dilecti Filii Conventus dicti Monasterii, & singulares illius personæ Archiepiscopo Mechliniensi pro tempore existenti, sicuti Abbatii, in omnibus, & per omnia subint, eique promittant, & præstent obedientiam, prout olim ipsi Abbatii præstare tenebantur, licetque eidem Archiepiscopo per se vel alium, seu alios corporalem possessionem, seu quasi regiminis, administrationis, ac Bonorum ejusdem Monasterii propria auctoritate liberè apprehendere, & perpetuo retinere, illiusque fructus, redditus, & proventus in suos, ac Mensæ & Monasterii prædictorum usus, & utilitatem convertere.

Nec non omnia & singula Prioratus, Praeposituras, Dignitates, Personatus Administrationes, & Officia, ceteraque Beneficia Ecclesiastica cum Cura, & fine Cura secularia, & quorumvis Ordinum regularia ad collationem, provisionem, præsentationem, electionem, institutionem, confirmationem, & quamvis aliam dispositionem pro tempore existentis Abbatis dicti Monasterii, communiter vel divisim, quomodolibet spectantia, illorum pro tempore occurrente vacatione, personis idoneis conferre, & de illis etiam providere, ac similes personas ad illa præsentare, & eligere, præsentatasque, & electas in illis instituire, & confirmare, ac alias de illis liberè disponere, Monasteriumque, & Conventum hujusmodi sub Praeposito reformato in reformatione facta in Capitulo Generali Bursfeldensi nuncupato dicti Ordinis ab annis ferè quadraginta in ipso Monasterio recepta dirigere.

Ac his, quæ ad honestum vitæ usum, & ejusdem Monasterii elemosynas, ac Divini Cultus in eo, & Conventus ipsius conservationem, & substantiationem solitas, & consuetas, ac debitas pertinent, propiscere, cuiusvis licentia desuper minime requiri, à Fratrum nostrorum consilio, Apostolica Auctoritate tenore præsentium perpetuo unius, anneximus, & incorporamus, Curam dicti Monasterii, ac hujusmodi Regimen, & administrationem eidem Archiepiscopo, in spiritualibus, & temporalibus plenarie committendo, bona que nec non fructus, redditus, & proventus Monasterii hujusmodi dictæ Mensæ pro illius dote constitundo, & assignando, non obstantibus Lateranensis Concilii novissime celebrati, uniones perpetuas, nisi in casibus à jure permisis, fieri prohibentis, nec non felicis recordationis Bonifaci Papæ Octavi, etiam Praedecessoris nostri, & aliis Apostolicis Constitutionibus, & Monasterii, & Ordinis prædictorum juramento, Confirmatione Apostolica, vel quavis firmitate alia roboratis statutis, & consuetudinibus, ceterisque contraria quibuscumque.

Volumus autem, quod propter unionem, annexionem, & incorporationem prædictas Divinus Cultus, & solitus Monachorum & Ministrorum numerus in dicto Monasterio nullatenus minuantur, sed ejus & Conventus eorumdem congrue supponent onera consueta.

Nulli ergo omnino hominum licet hanc paginam nostræ unionis, annexionis, incorporationis, & voluntatis infringere, vel ei ausu temerario contrarie.

Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romæ, apud Sanctum Petrum, Anno Incarnationis Dominae, Millefimo quingentesimo sexagesimo, sexto Idus Martii; Pontificatus nostri, anno secundo.

Erat signatum, Cæsar Glorierius,  
Et in plica, A. de Alexiis.  
Sub plica vero, Fed. Cardinalis Cæsius.